

საქართველოს  
 1930 წლის  
 24 მაისი

# ჯახტი



№ 18 კვირა, 6 ივლისი.

ერთი წლით ჟურნალი ღირს 2 მ. 50 კ., ნახევარი წლით 1 მ. 25 კ. წერილები და ფული უნდა გამოიგზავნოს შემდეგის ადრესით: თიფლისი. მუხრანსკაია 12, ძია ჟურნალა „JAXTI“.

ფასი 5 კაპ.

№ 18

ტფ. ყასბების სინარული ხორცის ნიხრის გაუქმების გამო.



გაუმხიარულდეთ ყასბებო  
 მოისპო „ტაქსა“ ნიხრია,  
 აღსრულდა ჩვენი წადილი  
 დიდხინს ნატერა ფიქრია.

აწ როგორცა გვსურს გავყიდოთ  
 მკლე ხორცი მამასისხლოთა,  
 ღმერთმა გვიცოცხლოს „უბრავე“  
 ჩვენთვის რომ ზრუნავს დიდათა..

# გ ა ა ტ ი ა ლ ე ? ! !

დიდხანს დავძრწოდი ცის სივრცეში ტანჯულ-გვემული და ჩემი ბედის ორქოფობა მიკლავდა სულსა, დიდხან დავძრწოდი ვით დევნილი ამაყი სული, სული, რომელიც გაეტაცნა ცის სიყვარულსა.

მწარე წარსულის მოსაგონათ, გაკხედე მხარეს, მხარეს, რომელმაც მე მარგუნა სიმწრის ფიალა. „ოდესღაც“ ხშიანს ეხლა კი სევდით მდუმარეს, მას, — რომლის კერპმაც, ჩემი რწმენა გაათიალა.

გაათიალა?! არა! მხოლოდ მწარეთ დაჩაგრა, ჯიბე წინ უღვევს, ჯერ შორს არის — გაათიალოს, ჯერ დღის სინათლეს მოამავალსა ჩავქიდო მაგრა, „ბოროტი კაცი, დღის სინათლეს ვერ დაემალოს“.

ლადო.

## ხომ აღსრულდა... (მ ს კ ი ზ ი.)

მას შემდეგ კიდევ განახე... მაგრამ თავდახრილი, ჩაფიქრებული... მთელი შენი არსება სევდით და ოხვრით იყო გარემოცული...

ისინი, ვინც წინეთ ერთმანეთის ნახვით ვსტკებოდით და ვხარობდით, დღეს ერთმანეთს მწუხარების აღში განხვეულნი შევხვდით...

გახსოვს, ჩემო კარგო, უკანასკნელი საღამო განშორებისა, როდესაც მზე ვებერთელა ცეცხლის რგოლივით ნახათ ეშვებოდა თვალუწვდენელი მთვლემავ ზღვის სივრცეში და ოქროს ფერ სხივებს უკანასკნელად უგზავნიდა სამყაროს.

გაზაფხულის მომხიბლავი ღამის წყვილიანი ნელა ეპარებოდა არე-მარეს და შეყვარებულებით გულში იკრავდა, მალხაზ ბუნებას საიდუმლოებით აღსავსე საფანეში ჰხვევდა.

ცის ლურჯ თალზე ციმციმებდნენ ვარსკვლავები და ღიმილით დაჰყურებდნენ ღუმილითა და მყუდროებით მოკულ ბუნებას... იმ საღამოს უკანასკნელად გეთხოვებოდა...

შენ აქვითინდი... ღამის სიბნელე მოვლევარე გრძნეული თვალთა სიღრმეიდან გამოკრთა კენტად შობილი მდუღარე ცრემლების ცვანი და მძლავრ ნაკადულად დაეშვა შენს

ნარნარ ღაწვებზე... გულზე თავი მომაყრდნე და ორივე მწარეთ ვსტიროდით...

ვსტიროდით ისე, როგორც დასტირის მშობელი დედა თავის ძვირფას შვილს, როდესაც ცივ საფლავს აბარებს...

ვსტიროდით ისე, როგორც სტირის ქეშმარიტი მამულიშვილი, როდესაც თავის საყვარელ გულის სატრფოს შეგინებულსა და მანდილ ახდილსა ხედავს...

მძლავრი იყო ჩემი სევდა, საშინელი იყო ჩემი სულის მდგომარეობა... გული ამიტირდა...

შენსკენ წავეწიე, მაგრად მოგაკიდე ხელი, და გულში ჩავიკარ მტირალი არსება...

მე კი, ჩემო მშვენიერო, გზა იღუმალი გულს მიწყლულედი, შიშის ხარს მგვრიდა...

განვლო დრომ... მრისხანე ცამ დათრთვილა მიწა, დათრთვილა მსოფლიო, თეთრ ნისლთა გროვა ცამდი ამართული მთის მწვერვალებს გაეკრა და...

მივხვდი, მივხვდი, რომ ამის შემდეგ მილალატებდი, უარყოფდი... ვგრძნობდი, რომ შენს უმანკო ფიცის საზღვარს გადახვიდოდი... ხომ ავისრულდა... დიახ, აღსრულდა და ჩემი წინასწარმეტყველება... გა-

ჰქრა განცდილი ნეტარება და ჩამოწვა შემზარავი წყვილიანი, რომელმაც გლოვის ზეწარი გადააფარა ცის გულ-მკერდს, რწმენის ახლად გაშლილი თაიგული დააქკნო, იმედი დაასამარა, ჩაჰფერფლა და სიმბოლო სპეტაკი, უმანკო სიყვარულისა გოლგოთის შავ ჩრდილად აქცია... ფრთა შეეკვეცა ჩემს აღმაფრენას... სევდამ დაიპყრო გული ჩემი...

წარმტაცე გულის შვება, სიხარული, მაგრამ ვის მოჰგვარე ბედნიერება, ვის არსებაში ჩაექსოვე?

დააქკნე ჩემი სპეტაკი სიყვარულის თაიგული, მაგრამ ვის გულში ააყვავე ახალი თაიგული სიყვარულისა?..

მაგრამ შენ ხომ ძლიერი ხარ, რაც გსურდა, ის ჩაიძინე, შენი ნებით აასრულე სურვილი და მისწრაფება შენი... სხვა და სხვა სახე მიეცი ტრფობას, სიყვარულს... რადგანაც... ხომ იცი, რომ ცხოვრება ჩვენი ცვალებადია და მის ცვალებად გრძნობას შენც მიჰყევ...

მე კი ჩემს ვაებას, სევდა-კაეშანს ისევ ჩემში ჩავმარხავ, ჩავასამარებ!

მ. ანაშვილი.

## პროტესტი

ვინ ღვთის პირიდან გავარდნილმა მოიგონა „პროტესტი“ არც კაი, არც ავი, არც საერთო, არც უერთო, არც სწავლული, არც უსწავლელი, არც ქმარი და არც ცოლი, დღეს უპროტესტოთ ბიჯსაც აღარ დვამს. გაზეთი?!.. პროტესტი და პროტესტოთა გაიძახის, ისე გახშირდა და ისე შეეჩვია ხალხი ამ ოჯახკორ პროტესტს, რომ ვერსად ვერ დაემალები.

სახლში ხარ გძინავს შენთვის არხეინად, თუ ვინიცობაა ბაღლინჯოს, ან რწყილისგან შენაკებნმა ცოტა შემოშმანდი და გვერდი იბრუნე, ამ დროს ერთი ღაზათიანად მოგხვდება გულბოყეში შენი კნეინას წიხლები, უდროვო დროს გადაბრუნებისთვის სასტიკი „პროტესტი, პროტესტო“ მოგაჩხავლებს და შენც ხმა უნდა გაიკმინდო.

იქნებ მოგშივდა და შენს ნაცნობ მუშას სთხოვ, ემუდარები, ან მაქამე, ან დროებით დამიშვი სამუშევრად, რომ შიმშილმა მეორე ქვეყნისკენ არ ამბარგოსო. შენ შტეიბენერი ხარ, პროტესტი, ზიზლი, სასტიკი ზიზლი და პროტესტი, რომ შენ მოგშივდა.

ან და ჭოჭყიანი პერანგი გამოიცვალე უფრო სუფთა ჩაიცვი, ზიზლი და პროტესტი! ვინაიდან შენ გაიმორე ჭუჭყი ესე ქვეყნისა.

მართლა და ერთ მიმართულების გაზნეს თავი დაანებე და მეორეში წერილი მოათავსე— შენ მოლაღატე ხარ, რენგანტი, პროტესტი სასტიკი პროტესტი და ზიზლი. რადგანაც შენ პრესის დანიშნულება უარყავი.

მაშ ასე შენც პროტესტი, მეც პროტესტი და ასე დაუსრულებლად ვიპროტესტოთ. **ონ-კანი.**

## იმერული სცენა

ოი, ღვთის მშობლის და წმინდა ძრიელი ლომის კარელის მადლმა მოსტეხოს კისერი, ვინცლამ თავდა პირველად აი რაცხა კლუბი ყოფილა თუ მისი ამოგდება მეიგონა. პირდაპირ ჩემდა საწვალგებლად გააკეთეს მაგ შეჩვენებულებმა. ყველას კი გუჯუვირდება აი ჩემი ნაბოდვევი, მაგრამ იმსთანაი ყაძახი ვარ, რომ ჩემი იყოს თუ გინდა სხვისი დამალვა არ შემიძლია. აია ჩემი დამფშუკველი და ჩემი დასაფსები, რუმ თელი ღუნია და მეღეჭეთი ჩემს გინების მეტს არაფელს არ აკეთებენ. ძალუვანი კარგად ვიცი სიმართლის მთქმელს რა მოელის, მაგრამ აი ხასიათი ვერ მევიშალე და მუდამ სიმართლის თქმა მინდა და მსურს.

ერთ საღამოს აი ჩემი პირის მზე და ამშენებელი იმისთანა გუნებაზე დადგა რუმ მეტი არ შეიძლება. ვიფიქრე იმიზა თუა გახარებული რუმ ნათესავი ციცი გვესტუმრა მეთქინ და სულ უცოდვილო ვიფიქრე კაკალ გუნებაში, თვეში ორჯერ ჩამევიყვან მეთქი. ბრეულს კი ეუც-

ხოვება ჩემი სიტყვები მარა, მე სიმართლეს მოგახსენებთ, რუმ ეს მეორე მარგალიტი არის ათის წლის გამოვლობაში, რუმ პირ მომცინარეს ვხედავ და ძალუვანი მესიამოვნა გეფიცებით სამტრედიის ნარდ-კარტის მოთამაშე მოყიალე ინტელიგენტებს და აქაურ ზოგიერთ ღუნდრუც, ღუნდრუც აშარია ღედაკაცების ქორიკანობას. დასწყევლოს ღმერთმა მაგენის თავი, ხოდა იმას ვამბობდი მესიამუნა მეთქი. საქმე სულ სხვაში ყოფილა „სემენი ვეჩერს“ უძახიან თუ რაცხა მის ამოგდებას, ის გუუგია ამელამ არისო და იმიზა იყო კარგ ხასიათზე გეირბინა რამოდენიმე ხანმა და დამიწყო ჭურღული. აბა ვარს რავა ვეტყობდი. ეგება ეშველოს და აწი ამისანა ხასიათზე დადგება მეთქი და თანახმა გუუხთი. წასვლის დროს კი ჩუუფუჩუნე ყურში ნუ დაგვიანდები და თორმეტ საათზე მოდი მეთქი. იგი რუმ მცოდნებოდა რაც მე მომელოდა იმ ღამეს, რავა ძალდი შემქამდა და გუუშობდი. ერთი ბალანაი ერთ ოთახში დამიტია დაწვენილი და მიორე, მიორე ოთახში. მესმარა ბიჭობა და ორივე ერთათ დამეწვინა კაი იყო მარა გაღვიძების შემეშინა და ქე მივანებე თავი. ვიყურყურტე, ვიყურყურტე და ამ ყურყურტში ქე ამომებრიცა თვალები. ვიფიქრე კაკალი გულში დავწობი მეთქი და ქე გევიშვლიპე ტანზე. ცოტა რუმ მიმეღელე თვალთ, რაცხამ ხეთქა მუადინა პოლზე და მორთო ბლორინი გამოუარდი წინა ოთახში, ღუუწყეფერება, მაგრამ შენც არ მომიკვტე ვერ გავაჩერე. რავარცხა იყო ღეილა და ღეიძინა, იმის დაძინება და მიორე ოთახში ხეთქა ერთი იყო. ვშვლიპე თავი შიდ და ევიყვანე ზეთ, თურმე სული შეგუბებოდა ბანდეს და კინაღამ გამოხჩობილიყო. რავაც კი მეთქვა სული თვარა ღეიწყო მარა რა ღეიწყო, ბრეული ვიწვალე და რავაცხა იყო მივაძინე. გეირბინა პატარა ხანმა, ღედა მწუღილა ღეიძახა, ღუუწვრილე ხმას

კი ღედა მეთქი და დავალევი. სასნთელი ჩაქრობილი მქონდა თვარა რავა მუატყუებდი, მარა მინც გამიგო ჩემი ეშმაკობა, დამიწყო გულში ხელების ფათური და ძუძვების ძებნა, თურმე იმ ჩემ პირის მზეს ასე ყოლებოდა მიჩვეული, მარა ამით მინც ვერ მიხვთა. რაცხა ჩემდა საუბედუროთ მისკენ მიმამბრუნებია თავი და ქი არ წამავლო ულაშებში ხელი. ვერც ხმის დაწვრილებამ მიშველა და ვერც ხვეწნამუდარამ. გავცოფთი კაკალი კაცი და გავსკტი კუქზე, მარა ბალანეზა რა უნდა მექნა, როცა მე ვიყავი დანაშაული. ამ გასაჩხიკინებულის ყვირილმა, მიორე ბალანე გამომიღვიძა და ატყუა ერთი აღიქოთი. მიორე ოთახში იმან ღეიწყო ბოლდილი და სტოლი წააქცია, სტოლზე მამასისხლათ ნაყიდი ღამმა მედგა და სორომ გორომოთ გამიხადა, ამან ვარესად შეაშინა ორივე და ატყდა წივილ-კივილ-ბლორინი. სამტრედიის პარასკობის ღღე ვერ შეედრებოდა ჩემ ოთახს იმ ღამეს, რავაცხა იყო მივაგენი სფიჩქას და უკიდე ღამმას ჩაგხედე საათში და კაკალი სამი საათი იყო, გადავწყვიტე კაკალ გუნებაში თუ ჩევიგდე იგი ჩემი პირის მზე ხელში, მის თავს ქაჯები ვერ გამომართმევს მეთქი. ამ ფიქრებში რუმ ვარ, ქა მუუკაკუნა კარზე ხელი, გავაღე კარი თვარა შემევიდა სიცილ კისკისით, ღემიწყო ჭურღული, ივაც ქი მომაგონდა მე ცოვლის შვილს კვირაობით რუმ მქირდებოდა ხვეწნა და სიცილში ყოლიფერი ამოვიკითხე. აი ჩემ გულის მოსვლა ქი არ მიმავიწყა იქით.

კოლარა.

## გამოცანა (მისხილომისთვის)

ტანად დიდი ვარ, ქკუით პატარა, წელზე მკიდია ქორის მათარა, ქალებთანა ვარ, სწრაფი მასხარა, უნდა ავლო მათგან ბეგარა.

ველარ მიცანი?! რკინის გზაში ვარ! საერთო საქმეს ველარ ვარგივარ, თავისუფალ დროს სურამს მივიდივარ, სადაც კარტია მეც იქ მივრბივარ.

ეხლაც ვერ მიცან?! დანოსი გახსოვს ღეპოში მუშებს მუდამ, რომ ახჩობს ჰოო! სწორედ ისა ვარ გამოიციანი რომ მივითვისე სხვისი ბატკანი.

მ—ლოვი.

# „სამარადისო“

## I

როცა ოლიამ პირველად მი-  
აშტერა თავის სიკაცხლის  
მგვრელი თვალები კოლიას,  
მაშინ იმან ვაჟის თვალებში  
მხოლოდ ერთი სიტყვა „სამ-  
არადისო“ ამოიკითხა.

ქალ-ვაჟის თვალები ერთი  
მეორეს უსიტყვოთ ეჩურჩულ-  
ებოდნენ და „სამარადისოს“  
ხმაზე სიყვარულის ჰანგებს  
უგალობდნენ. მათი ზღვათ  
ქცეული გული „სამარადისოს“  
ნავმა შეაერთა და ორთავეს  
სიყვარულის ზღუდესკენ მია-  
ქანებდა ..

## II

...კოლიას გაუწყდა სიკო-  
ცხლის ძაფი. მისმა თვალებმა  
უკანასკნელად შეხედეს ოლიას  
და უკანასკნელად მოაგონეს  
სიტყვა „სამარადისო“. მისი  
ზღვათ-ქცეული გული დაყუ-  
ჩდა და „სამარადისოს“ ნაფი  
სიკვდილის ნავთსაყუდელს მი-  
ეყრდნო.

ოლია კი სდუმდა.

უსიტყვოდ იტანჯებოდა.  
ბოლოს მის თვალებიდან ერთი  
სამარადისო ცრემლი გადმოვა-  
რდა და კოლიას სამარადისოდ  
დახუჭულ თვალებს დაეთრქვა...  
კოლია მიწას მიაბარეს.

## III

კოლიას საფლავს ათასფე-  
როვანი ყვავილები ამშვენებ-  
დნენ.

ტრფობით ანათრთოლი ბუ-  
ლბული ყოველ დღე ესტუმრე-  
ბოდა კოლიას საფლავს და სამა-  
რადისოს ხმაზედ ამ სოფლის სი-  
ყვარულის ჰიმნს უგალობდა.

ოლიაც ყოველ დღე მიდიო-  
და და სასაფლაოს სამარადისოდ  
ასაყვავებლად ყვავილებს ეზი-  
დებოდა და თან გულში ინა-  
ხამდა უკანასკნელ კოლიას  
თვალეების გამოსახულ სიტყვას  
„სამარადისოს“.

მიშა ვეშაპიძე.



### დასჯილი

## შვიმის შინ

ჩამობნელდა... ლაყვარლ ცასა გადაეკრა ღრუბელთ ჯარი,  
ჩამობნელდა და დადუმდა მთლად მსოფლიო—მთა და ბარი.  
სდუმს ბუნება, ჩემს ეზოში თავდახრილი სდგას ქადარი,  
მხოლოდ ტყეში, ყრუდ გაიმის ავსულების ხმა საზარი.  
სდუმს ბუნება, მხოლოდ ცაში, ცეცხლის ხაზი ცეცხლის ხმალი  
გულს უსერავს უძირო ტბებს, ცის შავ ზეწრით გამომკრთალი.  
უსხივცხოვლო ვარდთ ემზახი სქკნება, სქკნება ფერ-შემკრთალი  
სქკნება ტკბილი მოგონება და გრძნობები ჯერ ახალი.

სდუმს ბუნება, ჩემს ეზოში თავდახრილი სდგას ქადარი,  
ცის სივრცეში ყრუთ გაიმის ავსულების ხმა საზარი  
სდუმს ბუნება, მხოლოდ ცაში, ცეცხლის ხაზი, ცეცხლის ხმალი  
გულს უსერავს უძირო ტბებს შავ მანტიით გამომკრთალი.

ამური.

# სურათები

ვექილი კოტე ქანქარაძე რბილად იჯდა სავარძელში და თავის წინ მაგიდაზე დალაგებულ სხვა და სხვა ქართულ ჟურნალ-გაზეთებს ზარმაცად ფურცლავდა, უხალისოდ ათვალთვრებდა, თან შუბლზე ხელს იდებდა და თავისთვის რალაცას ბუტბუტებდა, ეშმაკურად იღიმებოდა, თვალის ქუთუთოებს ათამაშებდა, ხან კი ერთბაშად შუბლს შეიქმუხენიდა, მოიქუშებოდა და მკაცრ გამომეტყველებას მიიღებდა.

— ოჰო, კიდევ ლანძღვა და გინება! რას არ შეხვდება მკითხველი ჩვენს გაზეთებში?! თუ ერთი ფეხი გადაგიბრუნდა ხალხის თვალში მაშინვე ქვა და ლოდს მოგაყრიან რაც გინდა ცამდის მართლი იყვე! ვინ იცის რა სახელით არ მოგნათლავენ: ხულიგანი, შოვინისტი, შავრაზმელი, პურიშკევიჩი, კრუ პატრიოტი და კიდევ ვინ მოსთვლის რამდენ რამეს გიწოდებენ. ხა, ხა, ხა, ხა... ნამდვილ ხულიგანის პოვნა კი დიოგენის ფარნითაც ძნელი აღმოსაჩენია. ბრმა არის ჯერ კიდევ ჩვენი ხალხის უმრავლესობა, კარგის და ავის გარჩევა არ შეუძლიათ. ახლად ფეხ-ადგილ ბალღს წარმოადგენს, ვინც დაუყვავებს ტკბილის ენით მხსნელი ის ჰგონიათ. მას აამაღლებენ რაც უნდა დამცირებული პიროვნება იყვეს. ეს, რომ ასე არ იყვეს, განა მე ეს სახელი მექნებოდა?!.. ხა, ხა, ხა, ხა..

გადინახარა კოტემ და ელვის სისწრაფით გაურბინა თავში ძველმა მოგონებამ.

კოტეს გაახსენდა ის ხანა, რომელმაც მას სახელი მოუხვეჭა, ცამდის აამაღლა და უზრუნველ ჰყო ქანქარის მხრივ; გაახსენდა, თუ როგორ დაიწყო ორატორობა ხალხში ახლად იურიდიულ ფაქულტეტზე კურს დასრულებულმა, ნახევარზე მშიერ-მწყურვალმა, ახლად გამოსულმა ცხოვრების სარბიელზე.

კოტეს მართალია არც ერთი პარტია არა სწამდა და კარიერს უფ-

რო დაეძებდა, მაგრამ იმან ძალაუნებურად იმ პარტიის „იარლიკი“ მიიკრა შუბლზე საითაც გამორჩენა დაინახა. არც მოსტყუვდა. მან დიდი სახელი მოიხვეჭა უმრავლესობის თვალში, მეტადრე მას შემდეგ, რაც რამოდენიმე პოლიტიკური დამნაშავე დაიცვა სასამართლოს წინაშე. თუ წინად პატარა კაცად ითვლებოდა და სალამსაც არაფერ აღირსებდა დღეს სათაყვანებელი შეიქნა და ბუმბერაზად იქცა.

წინად თუ ერთ მივარდნილ უბრალო ოთახში იდგა, სამაგიეროდ დღეს ფუფუნებით სცხოვრობს ცოლშვილით, ელექტრონით განათებულ ევროპიულ გემოვნებაზე მოწყობილ რამდენსამე ოთახში და არ აკლდება საღამოებს, ბალებს, და კლუბში ნარდ-ბანქოს და ბაქარას თამაშსაც კი მიჰყო ხელი. აი, ეხლაც სავარძელზე მჯდარს ძილი შეეპარა, რადგან წინა ღამით ახალ კლუბში გაათენა მშვენიერ სქესთა არშიყოფაში. ის იყო მისთვის, რომ უცებ მოსამსახურემ კაბინეტის კარი შეაღო:

— ბატონო წერილი გახლავთ თქვენთან.— ამ სიტყვებთან კოტეს წერილი გადასცა მსახურმა. კოტემ წერილი გახსნა და გიჟურის თავდავიწყებით წამოიძახა:

— იმისგან არის, ახალ კლუბში რომ გავიცანი, ჩემი მაშა, ადრესიც მივეცი წერილს მოგწერ შენთან საქმე მაქვსო. რა საქმე აქვს თუ არა სიყვარული?! მერე რა მშვენიერი შავა თვალები აქვს, დიდრონი წარბები და წამწამები, მარჯნის ფერი ტუჩები, ბროლის გულ-მკერდი და თეთრი ქულა ნაზი-ნარნარი ხელები, იმის ერთი შეხედვა და ხელით შეხება სწორედ ბედნიერებაა კაცისთვის!.. ეხ, ეხლა მე რომ უცოლშვილო ვიყვე ძალი არ დაჰყვებოდა ჩემს ბედს! ვინ მოიგონა ცოლშვილობა. მახეა სწორედ მახე, გაებმები თავივით და გასაქანი აღარ არის!.. ჩემი ცოლის შიშით ქალისათვის ვეღარ შემხედნია, შვილებსაც კი გააგებინა: მამათქვენი მღალატობსო და

ექვის თვალთ მიყურებენ. არა, მე ცოლშვილობა ვერ დამაბრკოლებს, როგორც ჩემი მრწამსი მიკარნახებს ისე მოვიტყევი, ცოლი გაჭირების დროს შევირთე როდესაც უკანასკნელ კურსზე ვიყავი, მე ფული მესაჭიროებოდა მხოლოდ და არა ცოლი, ამისათვის ფული შევირთე, ფული. ცხოვრება ცვალებადია, ადამიანიც ცვალებადია. დღეს მხოლოდ პოლიტიკაა საჭირო, რომ ადამიანმა ლელო გაიტანოს. ჩემის შორსგამქვრეტელობით ხალხში სახელი მაქვს მოხვეჭილი და საზოგადო მოღვაწეს მეძახიან. თუმც კი საზოგადო მოღვაწეობისა არაფერი მცხია. ეხლა ჩემთვის ფული ბზე არის, ბზე! აი თუ არა.— წარმოსთქვა თითქმის ხმა-მალლა კოტემ და ინსტინქტიურად საწერ მაგიდის უჯრას გამოსწია აწოილო იქ შენახული ქაღალდის ფული ჩაილაგა გადაუთვლელად უბეში და ხელახლა დასტერებით დააქცერდა წერილს.

— ის არის სწორედ ის! აბა ბოლოში ვნახო, ოჰ?!.. „შენი მაშა“!.. ეჰე, რანდვოსაც მინიშნავს— წარმოსთქვა აღელვებულმა, წამოვარდა ზეზე სახე გაქარხლებული დაიხურა ქული, ერთი კი შესძახა ცოლს: სადილად ნუ მელიოდებით საჩქარო საქმეზე მივდივარო და გიჟივით გავარდა ქუჩაში. **პ. დვანელი.**

## მესტვირული

(ბორჯომისთვის)

სააგარაკოდ მოსულნი მოსთქვამენ თავის წყენასო: ძალა წაილო წვიმებმა, არ გვაძლევს მოსვენებასო. მე კი— მესტვირე კარ და კარ ჩაუვლი ერთობ ყველასო, გადაგვარებულ დამურებს აუტებს ხათაბალასო. მწვანე მდელიში ტანგოით ემგზავსი მოჩვენებასო ოთხმოცი წლისა ბებრებსაც აგიშლის ჟინურ ვნებასო. ჩაპუდრებული პირითა ჩასწიალებია ტუჩები

რომ სახრჩობეოა მელოდეს მიხვალ და ჩაეხუტები. საწყალი მათი ქმრები კი სახლშია დანახუთები ცოლს საზაფხულოდ აგზავნის დასცალა ფულის ყუთები. აწი დრო არის ლახტითა გასტინცებს მიადგებოდე, ენა ტაინია მსახურებს ოთახში შეეჭრებოდე; ლახტის წვერები აკუნონ, თვით კი სიცილით კვდებოდე, ხორცით ვაქრობა უარყონ, ამასაც ეუბნებოდე. გამრიგე ვაჟბატონებსა რისხვით თავს წაადგებოდე და სარევიზიოთ მათ ბინას მალი მალ ევლინებოდე!\*)

გიგო ჯიქია.

## შვილი გამიჭლუტდა (სცენა)

პირველი ივანობის თვე დადგა და ჩემი კაცობაც გეიყო შვაზე. დედავ, რეიზა არ ამომძვრა სული მაშინ, როცა მე, აი ჩემი შვილის სტავლა რო გვეიფიქრე!

ერთი ვაჟიშვილი გამიჩდა ჩემდა საუბედუროდ; დედა, დედა, რავეც გამახსენდება მაგის გაჩენის დღეი, მაგის გაჩენას ერთი ლეკვი გამჩენოდა არ მერჩია თუ? ზოგი ერთები ოთხ-ხუთ შვილებს ათებებენ კლასს და მე ერთი კაკალი ბალანეი მყავს თვალის სინათლე, და მაგი რავე არ უნდა მყავდეს კლასში! ცოლმაც მტლუზა ცხვირში ქლიქვინი, კლასი თუ არ გამოვარონიეთ, ასთე რავე უნდა უყურყუტოთო. მეც ქე ავიწეწე. იმას ამოუფორიაქდეს მაქანკალი; გავაფარგულე მიწა, ხარი, მარჩენალი ძროხა, მოხიკე ამფერათ ფარა და გავაგზავნე ქუთაისის კლა

\*) თორემ რასა ჰგავს, სახლში ქმარს სიცილით ამოსდის სულია ერთი გაგზავნა სადაჩოთ ბრუნდება ხუთ სულია. სიტყვა ვერ უთქვამს სირცხვილით მის ბალში ამოსულია უცხუნე ლახტი, უცხუნე რომ დაუამო წყლულია. **ლახტოხანი.**

სში. გეიარა ერთმა წელიწადმა, მეიწერა დავრჩიო, ვერ გადავედიო. მიორე წელიწადს კილო მეიწერა ვერ გადავედიო. დედავ, ნუ გადავრონია თავარ-ანგელოზმა! რამ ვაგყინა, მაი ერთი სკამზე, გვირგვინი ხომ არ გიფსკვინია თქვა. შეუთვალე მესამე წელიწადს ჩამობძანდა მარა, რაფერ იცი? ცხვირ ბუკიანი ფეხსაცმელით, კალათი ნახევარი სიმინდი ჩვეილოდა იმფერი შარვლით, მიქმუტილ მოქმუჭული ქლით, მიუტყვბია კეცი ქადის ხელა ზინაკი და გამომეცხადდა ხატივით.

მივში მაშინვე: ხომ არ ამომიტლურცე შვილო კერიეი კილო თქვა? ჩამოკუბრა ცხვირი ინდოურივით. მაწამსვე შევატყვე, რომ ჩამოშრიტა თვალები! დავიბრწკინე და დავიბრკინე ვაკუჭებისგან! მერ ვტკლიცე და ვტკლიცე გადაპროშტნის ნაცვლათ. ამფერათ ამოვბუგდი ტლინკა კაცი! არ დამიტოვებია გოუქარებელი ჩემი ბარობაზე აფერი და ბოლოს ქე დამაფჩენია ხახა.

მაი თურმე ძღაბებს ეკუნტრუმეზოდა იქინეი და რას ისტავლიდა! რაცხა ნათცემი რომაა! თურმე მაშა უჩიოდა შვილს: ივარგე შვილო, ივარგევიო. შვილი უჩიოდა: არ ვივარგებ; არ ვივარგებ ჯინიზოო. ისთე დაგეპართა შეენც? არ ისტავლეე? ავა მიყურე ჰა... გიყიდი ექვსი აბაზიან თოხს და იმდენს გაბაყუნებებიებ რომე, ლობზე გადასაკი დებლად გახთე.

ახლა სულ თელი ამფერი მოწაფეებს გირჩევთ ძღაბებთან კუნტრუმს თავი ანებოთ და თქვენ-თქვენ საქმეს დღუგდოთ ყური, თუ არა ექვსი აბაზიანი თოხი ბზათაა.

ა. ძაძამია.

## კითხვების ახსნა

**კითხვა 1)** რომელი მცნება არის ჩვენში დაურღვეველი?

**პასუხი:** მესუთე მცნება: ჰატევისცემა მამაზე პირებისა.

**კით. 2)** ვინ მოიგონა ქართული ან-ბანი და რომელ წელში?

**პას.** ამორდამ ფოსტროგავის დრას, წელიწადი არ მახსოვს.

**კით. 3)** რა არის ქართველის დაუძინებელი მტერი.

**პას.** სამშობლოს სიყვარული.

**კით. 4)** ვინ იყო პირველი მგოსანი საქართველოში?

**პას.** ან მე, ან შენ.

**კით. 5)** რა არის ულამაზესი საქართველოში?

**პას.** ის ადგილები სადაც დღეს ქართველები ადარ სცხოვრობენ და უცხოელ გადმოსახლებულთა კოლონიების გაშენებულა.

**კით 6)** რა არის ყველაზე უმახინჯესი?

**პას.** ბუნება და მღებარეობა.

**კით. 7)** ახალგაზრდა მგოსნებში პირველობას ვის აკუთვნებთ?

**პას.** ეხლა კი ცოტა უნდა შევჩერდე, რადგან ძალიან ბევრი არიან პირველობის ღირსნი, მაგრამ ყველაზე კარგი მაინც შემდეგი პირნი არიან: კაჩიჯე, სესუაშვალი, ჯაბა და თქვენი მხნა მარჩილი სეფესსეუული. თავის ქება კიტრათ ღირსო მაგრამ რა ექნა სიმართლეს ვერ დავფარავ. **სეფეს-სეული.**

## დ ე კ ე უ ა

გუშინ წინ ავლაბარში მურაშკოს თეატრთან მოხდა ავაზაკების მიერ უიარალო თავდასხმა ავლაბრის სახ. წარ. მმართველ წრის თავმჯდომარეთ. ნასიძეზე, რომელიც თურმე მოდიოდა ვერის ახალ პარკიდან, სადაც ბ. ნასიძე ხსენებულ წრის მიერ გამართულ სეირნობას ხელმძღვანელობდა და მთელი სეირნობის შემოსავალი ფული ზედა ჰქონდა. თავდამსხმელებმა ბ-ნ ნასიძეს მარჯვენა ჯიბეში ვერაფერი უპოვეს, ხოლო მარცხენა ჯიბისთვის ხელი არ უხლიათ და უკვალოდ მიიმალნენ. ნასიძეს მალე მიეშველა წრის ერთი გამგეობის წევრი გ. ბასილაშვილი, მაგრამ გვიან იყო. ამბობენ რომ თ. ნასიძემ იცნო ავაზაკების სახე, მაგრამ შიშით ჯერ-ჯერობით ვერ ამელავენებსო. **დ. მელია.**

# მოკლე კითხვები

(ს. კულაშინისთვის.)

1) ის რომელი გლეხები არიან, რომ ამას წინეთ ჩვენს მეზობლათ ქალი მოკვდა, იტირეს, მაგრამ ცრემლები კი არ სდიოდათ. ხალხი ბევრი დაესწრო, გაიმართა ღვინის და ქეფი, შემდეგ ამას მოჰყვა მუშტიკრივი, რაშააც ორი გლეხი ძალიან დაშავდა: მეორე დღეს ცოლ-შვილს ეკითხებოდნენ: გუშინ ქორწილში ვიყავით თუ ტირილშიო?..

2) ის რა ხალხია, რომ ორ სართულათ გამოიყრება, ზევითა სართულში თავგები და ვირ-თხები ლექციებს უკითხავენ კულაშლებს სხვა და სხვა თემებზე, მაგ. ბიბლიოთეკის განახლებაზე და სხვა და სხვა სამეცნიერო ღონისძიებებზე?..

3) ის ორნი ახალგაზრდანი, ვინ არიან, ამას წინედ კარტის თამაშის დროს, ერთი-მეორესთან შეტაკება მოუვიდათ და ერთმა მეორეს ცხვირი ჩამოაცალა, მიზეზათ ის დაასახელა, რომ ცოტა გძელი იყო და დამოკლება სკარდებოდაო?..

(სამბრძოლისათვის.)

1) ის ვინ არის, ამას წინეთ, რომ უგზო-უკვლოდ დაიკარგა; ქერა ახალგაზრდა, ჩოხაში გამოწყობილი ყმაწვილი, და შემდეგ მეციკრეების ცხენების საჯინბოში აღმოაჩინეს?..

2) აბა შითხარით, ის ორნი პირნი ვინ არიან, ერთი მაღალი და ერთი დაბალი, რომელნიც ერთს დღეს ნუნუათი გაღვნილნი ცირკში შევარდნენ და სულ ააფორიაქეს იქაურობა, რომ ბოქაულმა ვერ შესძლო წესიერების აღდგენა?..

3) ის სამნი გვამნი ვინ არიან, ერთი ბატონით ყოყლოჩინაა, მეორე — ამპარტავანი, ტროსტით ხელში, ხანდისხან ზურგს რომ შეათამაშებს ხოლმე. მესამე დიდ მუცელა, ქკუა თხელა, ერთათ რომ დადიან, საზოგადო საქმეებში ეჩხირებიან, თუმცა ზიანის მეტი არა მოაქვთ რა საზოგადოებისთვის.

4) ის რომელი დამა კვალერი იყო, რომ ერთს კვირას სადგურზე

სეირნობის დროს გული შეუწუხდა დამას, კვალერი კი იძახოდა: „ჰკა მაგასო?!“.

ვინც ყველა ამაებს გამაიცნობს და დედანთან სწორი იქნება, მას არ ასცდება თითო „ლახტი“ და აუსრულდება ნანატრი, რადგან ბევრი ნატრობს, ერთი მაჩვენა „ლახტოსანი“ რანაირი ეშმაკიაო.

შენც-ქე-იცო.

## სიზმრის ახსნა

1) თუ სიზმარში გრიგოლი დღე-ღამე მანძილი ნახოთ, მეორე დღეს ჯამს მოლოკავთ.

2) თუ „ბუ“ ნახოთ, ჯაბარს შეხვდებით.

3) „ნიგოთელი“ თუ გესიზმრათ, ხატისოვის ლაქობას მიიღებთ.

4) თუ კონსტანტინე დასვლი ნახეთ, ქვრივ-ობლების ფულს ჩაქანქრავთ.

5) მილოვი და როსინი თუ ნახოთ ერთად, ტრამვაის გამოსყიდვა მოხდება.

6) თუ ქუთაისელი დასვლი ნოქრები ნახოთ, ქიზიყელი ელიბოს პანტის ზარბაზანი გასქდება ფედერალისტების ასაფეთქებლად.

7) თუ პეტრე ნახოთ მამადავითის სასაფლაოზე საექსკურსიოდ წახვალთ.

8) თუ მიხეილ მზვერავი ნახოთ, ემიგრაცია მოგხდება „თემიდან“.

9) თუ ალ. ლანდია ნახოთ, სასწაული მოხდება, ყველა ტრამვაის ვაგონები დატორომუხდება.

10) თუ ანტონი დაგესიზმრათ მოძრავი კილოზნით, ფშავ-ხევსურეთი დასარწმუნევედება.

11) თუ ხოდოკი ნახოთ დურბინით, იმ ხანებში რომელიმე ქართველი მემამულე მიწა-წყალს გაჰყიდის.

13) იშხანიანი თუ ინახულოთ, შფოთიანი წელიწადი იქნება.

მუშა მექია.

## ხაშურის ამბები

„ლახტის“ № 14-ში მოთავსებულმა ხაშურის ამბებმა, ძალიან გააცხარა ზოგიერთი იქ მოთავსებული

პირნი; ეძებენ გამწარებული „ნიორს“, მაგრამ ჯერ-ჯერობით ვერ მიაგნეს თუმცა ექვი ბევრზე აქვთ. რომ დანამდილებით გაიგონ ვინც არის ეს მწარე „ნიორი“, დაუნიშნავთ ჯილდო. ვინც მიაგნებს, ჯილდოთ მიეცემა 2 გირვანქა „ხინა“, მიტომაც არის, რომ ხინით მოვაქრე ყველაზე უფრო დარბის, რომ აღმოაჩინოს ეს ვიღაც „ნიორი“.

— მაშ მე ბიჭი არ ვიქნები თუ ტფილისში არ ჩავიდე და თვითონ რედაქტორისაგან არ გავიგო ვინც არისო. ნუ ცხარობთ ბატონებო, ეგ შესავალი იყო, ზაქმე აწი იქნება.

ხაშურის დრამატულმა წრემ წლის განმავლობაში დადგასულ 20 წარმოდგენა. ყველა წარმოდგენებმა საუცხოოდ ჩაიარა. წმინდა შემოსავალი დარჩა წრეს სულ 22530 მან. 12 კ. ეს ფულები ამნაირად გაანაწილეს: საკუთარი შენობის ასაგებად გადადგეს 10,000 მან. საუკეთესო არტისტების მოსაწვევად 1500 მან. ინვენტარის შესაძენად 1 მ. და 12 კაპ, ბენეფისებზე საჩუქრებისთვის 1000 მან. მხოლოდ 10,000 მისცეს ორ სცენის-მოყვარეს, რომელნიც უნდა გაიგზავნონ, კონსერვატორიაში, რადგანაც სიმღერაც საჭიროა სცენაზე.

8 ივნისს დიდი უბედურობა დატრიალდა დ. ხაშურში. დამის ორ საათზე ცეცხლი გაუჩნდა რკინის გზის „კლობს“ ეს ამბავი მოხდა იმ დროს, როდესაც ერთი წყება „ტანგოს“ ცეკვაობდნენ და მეორე კი ბანქოს თამაშობდნენ. ერთი ჯგუფი ინტელიგენტებისა, როგორც ქართველები ისე რუსები, ტირილით სკდებიან და უჩივიან ყველას, რაღა გვეშველება სადღა ვითამაშოთ ამის შემდეგ ბანქო და კიდევ სხვაო. ყოველ დღე აუარებელი სამგლოვიარო დეპეშა მოდის ყოველ კუთხიდან.

ნიორი.

## კ ა ს უ ხ ი

(მათკახის კორმს. „მაცარიანი“-ს.)

თუ რომ გამოცანის წერა უბედურო არ იცოდი, ერთხელ ჩემთვის მოგემართა და უფასოდ გასწავლიდი.

შე საბრალო, ჯუჯა კაცი, ვის ეხები აღარ იცი?

(ქონდრის კაცი გაიძვერა მექრთამეა ის უვიცი.)

ნუ თუ მისთვის შერს იძიებ, რომ არ ვინდობ მექრთამეებს? და შენსავით გაიძვერა, რომ არ ვიცავ მექრთამეებს?

ვინ, ვინ იყო ის საბრალო, რომ გასწავლა ანა-ბანა? „მათრახს“ მინდა შევეკითხო კიდევ თუ ჰყავს შენისთანა.

და თუ კი ყავს, წინ, წინ არის, წინ წინ არის საქმე მისი, და უსურვებ შემდეგშიაც ყოლებოდეს შენი მსგავსი.

ერთი მითხარ ჰკუთხე ბეცო, ვის გავლენის ქვეშა სწერე? ან რა მოგცა იმ მექრთამემ აბდა-უბდა რომ დასწერე?

ამით გინდა დამამცარო აწ შელახო პიროვნება? ამით გინდა ჩირქი მომცხო? განა ეს კი შეგეძლება?

„ლახტოსანი“ რომ ახსენე ნუ თუ მისთვის დაგიბეჭდეს, რაც დაჯღაბნე—არ გაშინჯეს? ვაი ამ დღეს, ვაი თქვენ დღეს! სელახ-ძმა.

### სუსხიანი აზვავი

როგორც სარწმუნო წყაროებიდან შევიტყუეთ „მათრახის“ გაიძვერა ფიქტიურს რედაქტორს თეოფილესა და ფაქტიურს რედაქტორს პოლიოს შუამდგომლობა აღუძრავთ სადაც ჯერ არს, რომ თავიანთი მყრალი „მათრახი“ გახადონ განსაკუთრებით ყოველგარ სიბინძურისა და სიმყრალის ორგანოთ. მაგალითად უნდა ემსახურებოდეს მაწანწალა ძაღლების თარეშს, ტფილისის უწმინდურების მიღების გასუფთავებას და სხვა ამ გვარებს. რადგან ამ დღეებში, პირველი უწმინდურ მილში ჩაყურყუმელავებულა და აყროლებული „შრომის“ სტამბაში შეძუნძულელებულა, ხოლო მეორე ქუჩა-ქუჩა წანწალით გაცოფებულა და პირიდან თურმე სულ ქაფებსა ჰყრის.

ტფილისი სტამბა „შრომა“ მუხრანის ა.

როგორც სხა დადის, „მათრახის“ თანამშრომელს პოლიო იერეთელს ერთა ჰხავი ჰიესა დაუწერია სხხელად: „მეტყუარა დრამატურგია და სხოთ-მწეობა ქადა“. ამ ნიჭიერ დრამატურგს შინააქსია თვით თავის ცხფრებთან აუდაა. ეს ჰიესა „მათრახში“ დააბეჭდებს.

### ნაჩილი რედაქტორი

ბ.ნო რედაქტორი ნება მომეცით თქვენი ეურნალ „ლახტის“ საშუალებით ბოდიში მოვიხადო ბ. „ოკიბიბი“-ს წინაშე, რადგან ვერ უსრულებ მას თხოვნას და ვერ მივყვები მედიტორეთ, რასაკვირველია, ჩემგან დამოუკიდებელ მიზეზების გამო. კოტე იმნაძე.

### განსართობი

„აზრი“, სულ აზრი, კვლავ აზრი, როდისდა განხორციელდეს! „ფიქრი“ სულ ფიქრი, კვლავ ფიქრი მკონია გამიტივალდეს. „შრომა“ სულ შრომა კვლავ შრომა, ვერ ვნახე დაგვირგვინება.

ამ ჩემ მოძმებთა ბანაკში, ვერ მოვსპე ურცხვი გინება.


საქე შებრუნდა სხვა გვარად იმსახურებენ რისხვასა მომწიფდა, გვერდს ვერ აუარო ტერიტორიის კითხვასა.

— რით შეიძლება სახელი მოიხვეკოს ჩვენს დროში კაცმა?—მიჭმართა ერთმა მეორს.

— განა არ იცი ჩემო კარგო რითი? გამოეცი გაზეთი, თუ დიდი ხნით არა, რამდენიმე ნომერი მაინც, და ახალი ლექსიკონით გაზეთის საშუალებით ილანძღეთ, რამდენსაც კარგად და ბევრს გაილანძღებით იმდენად ამაღლდებით და საპატიო ალაგსაც დაიჭერთ.

— სიკო, აბა დათვალე რამდენი ვარსკვლავია:— შეეკითხა ერთი თავის ნაცნობს და თითი მალლა გაუშვირა.

— მაგას რა დიდი გამოცნობა უნდა, იმდენია, რამდენიც საქართველოში პოეტია!..



კაცი: ქალბატონო! ნება მიბოძეთ [საგარაკოდ მალლა ამოვიდე.

რედაქტორ-გამომცემელი დ. მელაშვილი.